

ՀԱՇՎԵՏՎՈՒԹՅՈՒՆ

Հայաստանի Հանրապետության Արմավիրի մարզի Նորապատ գյուղական համայնքի ղեկավարի 2013թվականի երկրորդ կիսամյակի ընթացքում կատարած աշխատանքների մասին:

Հաշվետու ժողովը տեղի է ունեցել 2013 թվականի դեկտեմբերի 25-ին ժամը 14.00-ին համայնքի կուլտուրայի տան դահլիճում: Ժողովին մասնակցում էին ավագանու անդամներ, համայնքապետարանի աշխատակազմը, դպրոցի ուսուցիչներ, մանկապարտեզի կուլեկտիվի անդամներ, համայնքի բնակիչներ և Արմավիրի մարզպետարանի ներկայացուցիչ՝ Գոռ Հովհաննիսյանը:

Զեկուցումով հանդես եկավ համայնքի ղեկավար՝ Ս.Բադայանը, որն իր աշխատանքները կազմակերպում է իրեն սահմանված լիազորությունների շրջանակներում:

2013թվականի երկրորդ կիսամյակի ընթացքում հրավիրվել է ութ ավագանու նիստեր, որոնցում քննարկվել են համայնքին վերաբերվող մի շարք հարցեր և դրանց վերաբերյալ ընդունվել համապատասխան որոշումներ: Ընդունված որոշումների կատարման մասին իրազեկվել է համայնքի ազգաբնակչությանը:

Անցած վեց ամիսների ընթացքում համայնքի ղեկավարին տարբեր հարցերով դիմել են շուրջ 52 քաղաքացիներ, որոնց պահանջների և տրվել են համապատասխան լուծումներ: 384 քաղաքացիների տրվել է տարբեր բնույթի տեղեկանքներ:

Գյուղատնտեսության բնագավառ

2013թվականի երկրորդ կիսամյակին առանձնակի ուշադրություն է դարձվել գյուղատնտեսական աշխատանքների կազմակերպման, բարձր բերքի ապահովման ուղղությամբ:

Պետական աջակցության ծրագրերի շրջանակներում համայնքի հողագործներին վաճառված պարատանյութը և դիզվառելանյութը խթան հանդիսացավ արտադրվող մթերքների ինքնարժեքի իջեցման, ստացվող շահույթի ավելացման համար:

2013թվականի մայիսի 12-ի կարկտահարության հետևանքով համայնքի 14 հողագործներին հասցված վնասի հատուցման համար

կառավարության կողմից որպես հողի հարկ տրամադրվեց 452842 դրամ օգնություն:

Կարկտահարման հետևանքները վերացնելու նպատակով համայնքապետարանի ուժերով կազմակերպվել է մեթոդական օգնություն կորցրած բերքի վերականգման և եկող տարվա համար բարձր բերքի ապահովման ուղղությամբ:

Կենցաղ սպասարկման բնագավառ

Բնակչության կենցաղային հարցերը եղել և մնում են համայնքի ղեկավարի ամենօրյա ուշադրության կենտրոնում:

Համայնքի տարածքում կատարվում է անվճար աղբահանություն ,որի համար 2013թվականի երկրորդ կիսամյակի ընթացքում ծախսվել է 382,0 հազար դրամ գումար: Աշխատանքներ են տարվում համայնքի նորաստեղծ թաղամասերը գազաֆիկացնելու ուղղությամբ: Համայնքում խմելու ջրի մատակարարումը 24 –ժամյա դարձնելու համար իրականացվում են մի շարք միջոցառումներ:

Մշակույթ և սպորտի բնագավառ

Համայնքապետարանը կուլտուրայի տան և դպրոցի կոլեկտիվի հետ համատեղ կազմակերպում է մի շարք միջոցառումներ՝ տրամադրելով նաև որոշակի դրամական օգնություն:

Համայնքապետարանը իր մշտական աջակցությունն է ցուցաբերում մանկապարտեզում կազմակերպվելիք միջոցառումներին: Մոսկվաբնակ համագյուղացի գործարար՝ Հրանտ Սպարտակի Սահակյանի միջոցների հաշվին ,գյուղապետարանի համագործակցության արդյունքում 2013թվականի մայիս-հոկտեմբեր ամիսների ընթացքում հիմնովին վերանորոգվել է մանկապարտեզի շենքը,որը հնարավորություն տվեց ամբողջ տարվա ընթացքում գյուղի նախադպրոցական տարիքի երեխաներին հաճախելու մանկապարտեզ:

Սոցիալական բնագավառ

Համայնքապետարանը իր ամենօրյա ուշադրության կենտրոնում է

պահում սոցիալապես անապահով ընտանիքներին օգնություն ցուցաբերելու, նրանց դիմումներին ընթացք տալու գործընթացը: 2013 թվականի երկրորդ կիսամյակի ընթացքում 32 ընտանիքների տրամադրվել է 1600,0 հազար դրամական օգնություն: 12 ընտանիքներ ընդգրկված են նպաստառուների ցուցակում, երկու զինձառայողներ ազատվել են ավտոմեքենայի գույքահարկից:

Համայնքային բյուջեյի իրագործում

Բյուջեյի կատարման գործընթացը մշտապես եղել է համայնքի ղեկավարի առաջնահերթ ուշադրության կենտրոնում: 2013 թվականի երկրորդ կիսամյակի ընթացքում հավաքագրվել է հողի հարկ՝ 4265,0 հազար դրամ, գույքահարկ՝ 4383,4 տեղական տուրքեր՝ 487,6 հազար դրամ:

Համայնքապետարանը աշխատավարձի, սոցվճարումների և այլ ծառայությունների հետ կապված վճարումները կատարում է ժամանակին: Աշխատակիցները սահմանված կարգով օգտվում են իրենց սահմանված արձակուրդներից:

Համայնքի հիմնախնդրիները

1. Ոռոգման ջրի ինքնահոս մատակարարում
2. Մշակույթի տան շենքի նորոգում
3. Մրգաշատ տանող ճանապարհի նորոգում
4. Գյուղում գիշերային լուսավորության անցկացում:

Նորապատ համայնքի ազգաբնակչությունը համայնքապետ՝ Ս.Բաղայանի գլխավորությամբ իրենց խորին շնորհակալությունն են հայտնում մարզպետ պարոն՝ Ա. Ղահրամանյանին համայնքի կողմից բարձրացված խնդիրներին լուծում տալու համար և լի են վճռակամությամբ համայնքի առջև ծառայած խնդիրները կյանքի կոչելու ուղղությամբ:

Նորապատ համայնքի ղեկավար  Ս.Բաղայան

